



編修臣陳嗣龍
檢討臣彭元琬
恭校

續通志

列傳 四十六

宋

喬維岳

張雍

魏廷式

盧琰

宋 搏

凌策

楊覃

陳世卿

李若拙 子繹 陳知微

喬維岳字伯周。陳州南頓人。周顯德初登第。授太湖主簿。四年遷平輿令。開寶中。右拾遺劉稹薦其才。擢為太子中舍。知高郵軍。通判揚州。徙常州。金陵平。又移昇州。

改殿中丞。太平興國初，徙襄州。三年，陳洪進表納疆土，以其子文顯為泉州留後，命維岳為通判。會盜起仙遊、莆田縣，百丈鎮衆十餘萬攻城，城中兵裁三千，勢甚危急。監軍何承矩、王文寶欲盡屠其民，燔府庫而遁。維岳抗議，謂朝廷寄以綏遠，今惠澤未布，盜賊連結，反欲屠城，豈詔意哉？承矩等因復堅守。既而轉運使楊克讓率福州兵破賊，圍遂解。詔褒之，歸朝。為淮南轉運副使，遷右補闕，進為使。淮河西流三十里，曰山陽灣，水勢湍悍，運舟多罹覆溺。維岳開故沙河，自末口至淮陰磨盤口。

凡四十里。又建安北至淮蒞，總五堰。運舟所至，十經上下。其重載者，皆卸糧而過。舟時壞失，綱卒緣此為姦，潛有侵盜。維岳始命剏二斗門於西河，第三堰二門相距踰五十步，覆以厦屋，設縣門積水。俟潮平乃泄之。建橫橋岸上，築土累石以牢其址。自是弊盡革。而運舟往來無滯矣。嘗按部至泗州，慮獄。法掾誤斷囚至死。維岳詰之，法掾俯伏且泣曰：有母年八十餘，今獲罪則母不能活矣。維岳憫之，因謂曰：他日朝制按問，第云轉運使令處茲罪，卒如其言，獲免。維岳坐贖金百二十斤，罷使職。權

知楚州。遷戶部員外郎。代還。為度支判官。轉本曹郎中。出為兩浙轉運使。歷知懷州。滄州。會考課京朝官。召還。屬真宗以壽王尹京。留為開封府推官。或言維岳在淮南。決獄不平。左右有知其事者。辯之。太宗特加賞異。儲闈建。兼左諭德。轉太常少卿。京府事繁。維岳評處詳敏。真宗踐阼。即命與畢士安。權知開封府。拜給事中。知審官院。維岳乞外。遷小州。上嘉其靜退。特授海州刺史。咸平初。知蘇州。素病風。帝以吳中多食魚蟹。乃徙壽州。仍命太醫馳療之。四年。卒。贈兵部侍郎。維岳明習吏事。

有治劇才。在懷州。王欽若始舉進士。維岳知其貴。又善待陳彭年。自刺郡。連奏為通判。皆稱薦之。按宋史此下有王陟附傳。

按宋史喬維岳傳後有王陟附傳無蹟可紀今刪謹加案聲明

無事蹟可錄今刪

張雍。德州安德縣人。開寶六年中第。釋褐東關尉。太平興國初。有薦其材者。改將作監丞。知南雄州。再遷秘書丞。充開封府推官。京城民王元吉者。母劉早寡。有姦狀。為姻族所知。憂悸成疾。又懼元吉告之。遂遣侍婢訴元吉。置堇食中。以毒已。病將死。事下右軍巡按之。未得實。移左軍巡。推吏受劉賄。掠治。元吉自誣伏。俄而劉死。府

慮囚。元吉始以實對。盡捕原推吏鞫之。稍見誣構之跡。列狀引見。詔免死決徙。元吉大呼曰。府中官吏悉受我賂。反使我受刑乎。府不敢決。元吉歷陳所受賂主名。又令妻張擊登聞鼓訴之。帝召問。盡得其枉狀。付御史鞫治。雍坐嘗戒吏止令鞠其毒母狀。致吏訊掠慘暴。免所居官。雍熙初。雍復為秘書丞。御史臺推直官。累遷右諫議大夫。歷淮南兩浙轉運使。淳化三年。充戶部使。出知梓州。就命為西川轉運使。俄復知梓州。五年。蜀州青城民王小波李順作亂。衆至萬人。雍訓練士卒。得城中兵三

千餘人。又募彊勇千餘守城。輦綿州金帛以實帑藏。遣推官盛梁請兵于朝。未幾。益綿邛彭漢州永康軍悉陷於賊。順入成都。僭號大蜀王。勢甚盛。遣其黨相里貴帥衆十萬圍梓潼。雍與監軍盧斌登堞望之。賊所出兵皆老弱疲憊。無鎧甲。斌請開北門擊之。雍曰。不可。賊或詐見老弱。設伏伺我。又城中吏民心未定。脫為伏兵所突。則墮其姦計矣。言未畢。果有卒依敵樓呼嘯。與外應和。雍亟斬以徇。賊大設梯衝火車。晝夜鼓譟。攻城益急。雍命發機石碎之。火箭雜下。賊稍退。復治攻具于城西北。

隅雍紹曰。軍士趣治裝。吾將開東門擊賊。陽遣步騎五百臨東門。賊升牛頭山瞰城內。信然。伏精兵萬餘于山之東隅以待。雍即召敢死士百輩縋而下。盡焚其攻具。賊以為神。一日北風晝晦。賊乘風縱火。急攻北門。雍與盧斌等領兵據門。立矢石間。固守不動。賊為之少却。圍八十餘日。會王繼恩遣石知顥來援。賊始潰去。帝手詔褒美。擢雍給事中。斌西京作坊使。領誠州刺史。至道二年。改工部侍郎。咸平四年。遷鹽鐵使。帝以雍齷齪。小心三司事重。宜有裁制。乃用王嗣宗代之。又以其無過。特

按宋史張雍傳後有董儼傳儼以傾狡圖位餘無可紀今刪謹加案聲明

拜戶部侍郎。復知審刑院。出知秦州。景德初。權知開封府事。三年。改兵部侍郎。同知審官院。四年。出知鄧州。大中祥符元年。請老。以尚書右丞致仕。誥命未至而卒。雍勤恪清幹。喜為苛察。以肅下。貌魯朴。始登科。為滕中正壻。中正子錫世寧咸笑之。中正曰。此人異日必顯達壽考。非汝曹所及。果如其言。子太冲。按宋史此下有董儼傳。傳稱儼不學無操。行。用傾狡圖位。生平無蹟足錄。今刪。魏廷式。字君憲。大名宗城人。少明法學。太平興國五年中第。釋褐朗州法曹掾。端拱初。以著作佐郎通判潁州。

淳化二年始命李昌齡判審刑院以廷式明練刑章奏為詳議官屢進對太宗悅其明辯遷太子左贊善大夫時初較廷臣殿最命廷式與樞密都承旨趙鎔李著同勾當三班多所規制超拜主客員外郎改戶部員外郎知利州李順為盜就命克陝西至益州路轉運使賊平知寧州未至召入判大理寺復出知宋潭二州湖南地土衍沃民喜訟產有根柢巧偽難辨者廷式立裁之吏民咸服轉吏部員外郎知桂州歷工部郎中真宗即位改刑部會王繼恩有罪下吏命廷式同按之踰宿而獄

具俄知審官院通進銀臺封駁司拜右諫議大夫知審刑院出知涇州咸平二年卒子舜卿禹卿廷式剛果敢言所至以嚴明稱然性傾險喜中傷人士君子憚其口而鄙其行

盧琰字錫圭淄州淄川人太平興國八年進士解褐歷城主簿三遷太常丞通判并州就加太常博士咸平二年選為開封府判官會獄空有詔獎之遷工部員外郎為河北轉運副使時北鄙未寧調發軍儲糧道不絕以職務修舉召入遷秩刑部賜金紫復遣之任會城祁州

命專董其役。累遷三司度支副使。加吏部郎中。俄拜右諫議大夫。知永興軍府。再為河北轉運使。瑛勤吏職。所至以幹集聞。頗知命。嘗語親舊曰。官五品。服三品。天不與者壽爾。大中祥符六年卒。時瑛母八十餘無恙。帝憫之。以瑛子大理寺丞士宗為太常博士。特命知懷州。又以次子秘書丞士倫為太常博士。給祿終喪。士宗自有傳。

宋搏。字鵬舉。萊州掖人。開寶八年中第。調補遂寧尉。累遷國子博士。通判西京留守司。久之。徙江南轉運使。就

遷度支員外郎。真宗嗣位。遷司封員外郎。河東轉運使。上言。大通監冶鐵盈積。可備諸州軍數十年鼓鑄。願權罷採以紓民。又請科諸州丁壯為兵。以增戎備。在任凡十一年。河東接西北境。時邊事未息。屯師甚廣。搏經制漕運。以幹治稱。屢屆秩滿請代。朝議以搏善其職。就加祠部郎中。景德四年。入判三司勾院。踰月。為戶部副使。大中祥符初。進秩刑部郎中。二年卒。子可法。舜元。

凌策。字子奇。宣州涇人。幼孤。厲志好學。雍熙二年。舉進士。起家廣安軍判官。改西川節度推官。以強幹聞。淳化

按川峽宋史作川陝今攷地理志及東都事略改正謹加案聲明

三年就命為光祿寺丞。簽書兩使判官。代還。拜左贊善

大夫。通判定州。李順之亂。川峽選官多憚行。按川峽宋

攷地理志川峽分四路。陝西別為一路。此處策自陳三

陝字。蓋峽字之誤。謹據王偁東都事畧改正。涖蜀境。諳其民俗。即命知蜀州。又以巴西當益之餽道。

徙綿州。加太常博士。還朝。授廣南西路轉運使。進屯田

員外郎。入為戶部判官。遷都官。先是嶺南輸香藥。用郵

置卒萬人。負擔抵京師。頗以煩役為患。詔策規制之。策

請陸運至南安。汎舟而北。止役卒八百。大省轉送之費。

盧之翰任廣州。無廉稱。以策有幹名。拜職方員外郎。直

史館。命代之。廣英路。自吉河趣板步。二百里。當盛夏時

瘴起。行旅死者十八九。策請由英州大源洞伐山開道。

直抵曲江。人以為便。代還。知青州。超拜都官郎中。入判

三司三勾院。出知揚州。進秩司封。王旦言策涖事和平。

可寄方面。乃授策江南轉運使。饒州產金。嘗禁商市鬻。

或有論告。逮繫滿獄。策請縱民販市。官責其算。人甚便

之。五年。召拜右諫議大夫。集賢殿學士。知益州。初。策登

第。夢人以六印加劍上遺之。其後往劍外。凡六任。策勤

吏職。處事精審。所至有治迹。九年。自蜀代還。上頗有意

擢用。會已病。命知通進銀臺司。兼門下封駁事。糾察在京刑獄。真宗嘗對王旦言策有才有用。治蜀敏而有斷。旦曰。策性淳質。和臨事強濟。帝深然之。是秋。拜給事中。權御史中丞。時榷茶之法弊甚。詔與翰林學士李迪。知雜御史呂夷簡。同議經制。稍寬其舊。明年。疾甚。不能朝謁。累遣中使挾醫存問。賜名藥。復表求典益。尋遷工部侍郎。從其請。天禧二年卒。子瓊琬。

楊覃。字申錫。漢太尉震之後。曾祖承休。唐昭宗時。以兵部員外郎使吳越。會楊行密據淮南。絕其歸路。因留浙中。

祖巖。署鎮海軍節度副使。奏領春州刺史。覃少獻書於錢俶。俶署為著作佐郎。從俶歸朝。為禹城尉。太平興國八年。舉進士擢第。授徐州觀察推官。再遷太常博士。使陝西。蠲逋負。覃本名蟬。至是太宗為改焉。淳化中。轉屯田員外郎。同判壽州。巡撫使潘慎修上其政績。有詔嘉獎。就命知州事。田重進為永興節度使。選覃與林特。同判軍府事。重進不法。覃事多抗執。重進頗不悅。形于辭色。覃表求徙任。不許。就轉都官員外郎。改職方。咸平初。遷屯田郎中。三門發運使。呂蒙正在河南。薦其材。詔入

判三司磨勘。憑由理欠司。四年春旱。覃上言古之用刑。皆避三統之月。漢舊章斷獄報重。盡三冬之月。今春物方盛。時雨尚愆。輦轂之下。獄繫甚繁。望詔有司。死罪未得論決。俟雨降乃復常典。嘗獻時務策五篇。一曰禦戎。二曰用兵。三曰為政。四曰選賢。五曰刑罰。明年權同知貢舉。出為陝西轉運使。時西鄙屯兵。調役甚繁。副使朱台符務有為。而覃務循舊。且言邊事不宜更張。初寇準知青州。台符為通判。至是準作相。覃意台符憑恃僚舊。密以上聞。坐不協。徙知隨州。移唐州。景德二年。召歸。屬

河北兵革之後。命覃詣潭濱。榷德博州。巡撫振給之。出知潭州。王師討宜賊。軍須多出長沙。曹利用以聞。詔書褒勞。加刑部郎中。大中祥符二年。代馮亮為淮南江浙荆湖制置發運使。月餘。改太常少卿。直昭文館。知廣州。覃勤於吏事。所至以幹濟稱。南海有蕃舶之利。前後牧守。或致謗議。惟覃以廉著。遠人便之。加右諫議大夫。四年卒。子文友。敏。從子大雅。自有傳。

陳世卿。字光遠。南劍人。雍熙二年。登進士第。解褐衡州推官。再調東川節度推官。會李順寇兩川。知州張雍以

州兵馬為數部。使官分領。世卿素善射。當城一面。親射中數百人。賊寢盛。同幕皆謀圖全計。世卿正色曰。食君祿。當委身報國。奈何欲避難為他圖耶。亟出白。雍曰。此徒皆懦儒。存之適足惑眾。不若遣出求援。雍從之。賊既引去。世卿適丁外艱。雍表其材。詔視事如故。就改掌書記。凡七年。歸朝。為秘書郎。遷太常丞。知新安縣。或薦其堪任憲臺。即召歸。會張鑑出知廣州。表為通判。加太常博士。景德初。徙知建州。真宗知其材幹。授福建轉運使。規畫南劍州安仁等銀場。歲增課羨。詔獎之。俄代姚鉉。

為兩浙路轉運使。歷祠部員外郎。判三司三勾院。大中祥符四年。改度支員外郎。出為荆湖北路轉運使。屬澧州慈利縣。下溪等四州蠻人侵縣境地四百餘里。命世卿與閣祗候史方知澧州劉仁霸同領兵討之。遂還所侵地。又令納所掠漢口千餘。復置澧州武口等砦以控制之。自是平定。還朝。自言願効用於煩劇。授秘書少監。知廣州。郡有計口買鹽之制。人多不便。至即奏除之。九年卒。子儼。

李若拙。字藏用。京兆萬年人。父光贊。貝冀觀察判官。若

拙初以蔭補太廟齋郎。復舉拔萃。授大名府戶曹參軍。又舉進士上第。授密州防禦推官。登賢良方正直言極諫科。太祖嘉其敏贍。改著作佐郎。故事。制策中選者。除拾遺補闕。若拙以恩例不及。上書自陳。執政惡之。出監商州阮冶。遷太子左贊善大夫。以官稱與父名同。辭不許。太平興國二年。知乾州。會李飛雄詐乘驛稱詔使。事敗伏法。太宗以若拙與飛雄父若愚連名。疑其昆弟。命殿直盧令珣。即捕繫州獄。乃與若愚同宗。非親。不知其謀。猶坐削籍。流海島。歲餘。起授衛尉寺丞。知隴州。四年。復

舊官。以政聞。起授監察御史。通判泰州。徙通判同州。未幾。御史中丞滕中正薦之。召歸臺。尋改右補闕。時諸王出閣。若拙獻頌稱旨。召見。賜緋魚。同勾當河東轉運。兼雲應等八州事。嘗詣闕言邊事。太宗嘉之。雍熙三年。假秘書監。使交州。先是黎桓制度踰僭。若拙既入境。即遣左右戒以臣禮。繇是桓聽命。拜詔盡恭。燕饗日。以奇貨異物列於前。若拙一不留眴。取先陷蠻使鄧君辨。以歸。禮幣外不受其私覲。使還。帝謂其不辱命。遷起居舍人。充鹽鐵判官。淳化二年。出為兩浙轉運使。契丹侵邊。改

職方員外郎。徙河北路。五年。直昭文館。遷主客郎中。江南轉運使。若拙有幹才。然臨事太緩。宰相以為言。罷使。知涇州。至道二年。黎桓復侵南鄙。又詔若拙充使。至則桓復稟命。使還。真宗嗣位。召見慰問。進秩金部郎中。召試學士院。改兵部郎中。充史館修撰。俄知制誥。咸平初。同知貢舉。被疾。改右諫議大夫。車駕北巡。判留司御史臺。明年。使河朔按邊事。知昇。貝。二州。四年。卒。子繹。

繹。字縱之。幼謹愿。初以父使交趾有勞。補太廟齋郎。改太常寺太祝。舉進士中第。除將作監丞。累遷尚書屯田

員外郎。知華州。蒲城民李蘊。訴人盜其從子亡去。繹問曰。若有仇耶。曰。無有。曰。有失亡耶。曰。無有。繹揮蘊去。因密刺蘊。蘊有陰罪。姪覺之。懼事暴。殺之以滅口。遂收蘊致法。擢提點河北刑獄。權知貝州。歲旱。繹為酒務。市民薪草溢常數。餓者皆以樵採自給。得不死。官入亦數倍。邊民歲輸防城火牛草十餘萬。委積久。輒腐敗。繹奏罷之。三遷本曹郎中。為利州路轉運使。河北經費不支。仁宗問誰可任者。參知政事薛奎薦繹。遂徙河北。進刑部郎中。直史館。知延州。改兵部。為江淮制置發運使。內出

絹五十萬匹。責買於東南。繹曰：百姓饑，不宜重擾。輒奏罷之。甫半年，漕課視常歲增五之一。遷太常少卿。再知延州。繹所至頗稱治。嘗兩知鳳翔府。至是又徙鳳翔。尋為右諫議大夫卒。

陳知微，字希顏，高郵人。咸平五年進士甲科。解褐將作監丞。通判歙州。擢為著作佐郎、直史館。俄充三司戶部判官。奉使契丹。遷太常博士。判三司都磨勘司。再為戶部判官。出為京東轉運副使。奏還東平監所侵民田六百八十家。又決古廣濟河通運路。罷夾黃河。歲減夫役。

數萬計。遷右司諫。徙荆湖南路轉運使。召還。拜比部員外郎。知制誥。知微詞藻雖無竒采，而平雅適用。天禧二年，加玉清昭應宮判官。被疾卒。知微沉厚有材幹，不務皦察。時人許其處劇。子堯卿、舜卿。

卷之三

